

## ADMINISTRACIÓN LOCAL

### MUNICIPAL

#### PONTEDEUME

*Preiodicidade sesións plenarias e proposta delegación competencia en alcaldía*

#### **Anuncio: DETERMINACIÓN DA PERIODICIDADE DAS SESIÓNS ORDINARIAS DO PLENO E PROPOSTA DE DELEGACIÓN DE COMPETENCIAS DO PLENO EN ALCALDÍA-PRESIDENCIA. MANDATO CORPORATIVO 2023-2027**

O Pleno do Concello de Pontedeume, en sesión extraordinaria celebrada o día 28 de xuño de 2023, adoptou, entre outros o seguinte acordo, cuxo contido se transcribe:

#### **<<1.- DETERMINACIÓN DA PERIODICIDADE DAS SESIÓNS ORDINARIAS DO PLENO E PROPOSTA DE DELEGACIÓN DE COMPETENCIAS DO PLENO EN ALCALDÍA-PRESIDENCIA**

A Secretaria xeral da lectura á proposta da Alcaldía-Presidencia, que se transcribe a continuación:

#### **“PROPOSTA DE ACORDO**

**EXPDTE 2023/G006/000112**

#### **ASUNTO.- DETERMINACIÓN DA PERIODICIDADE DAS SESIÓNS ORDINARIAS DO PLENO E PROPOSTA DE DELEGACIÓN DE COMPETENCIAS DO PLENO EN ALCALDÍA-PRESIDENCIA**

**EXPDTE. 2023/X999/000121 ORGANIZACIÓN MUNICIPAL MANDATO CORPORATIVO 2023-2027**

Atendendo ao disposto nos artigos 46.2.a) da Lei 7/1985 do 2 de abril, Reguladora das Bases do Réxime Local, na súa redacción dada pola Lei 11/1999, de 21 de abril, artigo 210.2.a) da Lei 5/1997, de 22 de xullo, de Administración Local de Galicia, artigo 47.1 do Real Decreto Lexislativo 781/1986, de 18 de abril, polo que se aproba o Texto Refundido de disposicións legais vixentes en materia de Réxime Local, e artigos 38 a) e 78 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, a periodicidade para as sesións plenarias ordinarias é dependente do volume poboacional da Corporación Municipal; sinalando así que o Pleno celebrará sesión ordinaria como mínimo cada mes nos Concellos de municipios de máis de 20.000 habitantes e nas Deputacións Provinciais; cada dous meses nos Concellos dos municipios dunha poboación entre 5.001 habitantes e 20.000 habitantes; e cada tres nos municipios de até 5.000 habitantes.

Sen embargo, a pesar de que a periodicidade por tramo poboacional de Pontedeume corresponde a unha periodicidade bimensual, esta Alcaldía Presidencia, en relación coa fixación da periodicidade das sesións ordinarias do Pleno Municipal propón a periodicidade mensual segundo se indica na presente proposta, co fin de garantir a participación dos distintos grupos políticos na vida municipal e facilitar un maior control político da Corporación.

Asimesmo, considerando que de conformidade co disposto no artigo 22.4 da Lei 7/1985, do 2 de abril, reguladora das Bases do Réxime Local, o Pleno pode delegar o exercicio das súas atribucións no Alcalde ou na Xunta de Goberno Local, salvo as enunciadas no número 2), letras a), b), c), d), e), f), g), h), i), l) e p), e no parágrafo 3) do artigo referenciado.

A delegación de competencias realizarase a través dun acordo, que se adoptará por maioría simple, e surtirá efectos desde o día seguinte ao da súa adopción, sen prexuízo da súa publicación no Boletín Oficial da Provincia, coa finalidade de axilizar a xestión administrativa e dar unha maior operatividade á actuación municipal.

Asimismo atendendo as atribucións encomendadas ó Pleno establecidas no artigo 23 do RD Lexislativo 781/1986 de 18 de abril.

Considerando o establecido no artigo 64.5) da Lei de Administración Local de Galicia do 22 de xullo de 1997.

Esta Alcaldía, eleva ao Concello Pleno a seguinte **PROPOSTA**:

**PRIMEIRO.-** As sesións plenarias ordinarias terán unha periodicidade mensual, agás no mes de agosto que non se celebrará, e ás 12.00 horas do derradeiro xoves hábil de cada mes, en primeira convocatoria, e dous días hábiles despois, á mesma hora, en segunda convocatoria. Se tampouco nesta segunda convocatoria se acada o quórum necesario, os asuntos previstos a tratar pospoñeranse para o estudo na primeira sesión que se celebre con posterioridade, sexa ordinaria ou extraordinaria.

No caso de que a devandita data coincida con día festivo, celebrarase Pleno ordinario o inmediato día hábil anterior á data correspondente, á mesma hora.

**SEGUNDO.-** Facultar ao Sr. alcalde, previa consulta cos voceiros de todos os grupos municipais, e por razóns debidamente xustificadas, para alterar o horario establecido no punto primeiro do presente acordo.

**TERCEIRO.-** O Pleno celebrará sesión extraordinaria, cando así o decida o Sr. alcalde, ou o solicite a cuarta parte, alomenos, do número legal de membros da Corporación, de conformidade coa regulación contida no artigo 46.2.a) da Lei 7/1985, de 2 de abril, reguladora das Bases do Réxime Local.

**CUARTO.-** O Pleno celebrará sesión extraordinaria urxente cando o convoque o Sr. alcalde cando a urxencia do asunto ou asuntos a tratar non permita convocar a sesión extraordinaria coa antelación mínima de dous días hábiles esixida polo artigo 46 da Lei de Bases do Réxime Local.

**QUINTO.-** Delegar no alcalde-presidente do concello o exercicio das seguintes atribucións de entre as que se indican no artigo 22, sendo delegables conforme o indicado no apartado 4º, e que exclúen as enunciadas no número 2), letras a), b), c), d), e), f), g), h), i), l) e p), e no número 3) do artigo 22 da Lei 7/1985, do 2 de abril, reguladora das Bases do Réxime Local:

- O exercicio de accións xudiciais e administrativas e a defensa da corporación en materias de competencia plenaria.
- A declaración de lesividade dos actos do Concello.
- A concertación das operacións de crédito cuxa contía acumulada, dentro de cada exercicio económico, exceder do 10 por cento dos recursos ordinarios do Orzamento -salvo as de tesourería, que lle corresponderán cando o importe acumulado das operacións vivas en cada momento supere o 15 por cento dos ingresos correntes liquidados no exercicio anterior- todo iso de conformidade co disposto na Lei Reguladora das Facendas Locais.
- A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.

Delegación que comprenderá todas as facultades, incluída a de adopción de acordos que afecten a terceiros.

Estas competencias serán, no seu caso aceptadas polo órgano a quen se encomenda, e se publicará no Boletín oficial da Provincia de acordo co artigo 51 do ROF e se insertará no Taboleiro de anuncios do concello.

**SEXTO.-** Proceder á publicación do presente acordo, para o seu xeral coñecemento no Boletín oficial da provincia da Coruña”

A Presidencia abre a quenda para o debate

...//...

Sen máis intervencións, sométese a votación a **proposta**, quedando **ADOPTADO** por **MAIORÍA de 9 votos a favor**: 9 dos concelleiros e concelleiras do Grupo Municipal do PSdeG-PSOE D. Bernardo Fernández Piñeiro, Dª Mª Rosario Huertas Garabana, D. Daniel Ríos Fernández, Dª Alejandra Bellón Tenreiro, D. José Simoes Couceiro, D. Isaac Alejandro García Otero, Dª Ángela Piñeiro Carrera, D. Joshua Dopico López, Dª. Manuela García Fachal; **2 abstencións** dos concelleiros e concelleiras do Grupo Municipal do BNG, D. Luís Pena Mosquera e Dª. Mª Rocío Souto Torre, e **2 votos en contra** dos concelleiro e concelleiras do Grupo Municipal do PP: D. Santiago José Rodríguez Piñeiro e Dª. Montserrat Pico Rodeiro; o **ACORDO** seguinte:

**PRIMEIRO.-** As sesións plenarias ordinarias terán unha periodicidade mensual, agás no mes de agosto que non se celebrará, e ás 12.00 horas do derradeiro xoves hábil de cada mes, en primeira convocatoria, e dous días hábiles despois, á mesma hora, en segunda convocatoria. Se tampouco nesta segunda convocatoria se acadara o quórum necesario, os asuntos previstos a tratar pospoñeranse para o estudo na primeira sesión que se celebre con posterioridade, sexa ordinaria ou extraordinaria.

No caso de que a devandita data coincida con día festivo, celebrarase Pleno ordinario o inmediato día hábil anterior á data correspondente, á mesma hora.

**SEGUNDO.-** Facultar ao Sr. alcalde, previa consulta cos voceiros de todos os grupos municipais, e por razóns debidamente xustificadas, para alterar o horario establecido no punto primeiro do presente acordo.

**TERCEIRO.-** O Pleno celebrará sesión extraordinaria, cando así o decida o Sr. alcalde, ou o solicite a cuarta parte, alomenos, do número legal de membros da Corporación, de conformidade coa regulación contida no artigo 46.2.a) da Lei 7/1985, de 2 de abril, reguladora das Bases do Réxime Local.

**CUARTO.-** O Pleno celebrará sesión extraordinaria urxente cando o convoque o Sr. alcalde cando a urxencia do asunto ou asuntos a tratar non permita convocar a sesión extraordinaria coa antelación mínima de dous días hábiles esixida polo artigo 46 da Lei de Bases do Réxime Local.

**QUINTO.-** Delegar no alcalde-presidente do concello o exercicio das seguintes atribucións de entre as que se indican no artigo 22, sendo delegables conforme o indicado no apartado 4º, e que exclúen as enunciadas no número 2), letras a), b), c), d), e), f), g), h), i), l) e p), e no número 3) do artigo 22 da Lei 7/1985, do 2 de abril, reguladora das Bases do Réxime Local:

- O exercicio de accións xudiciais e administrativas e a defensa da corporación en materias de competencia plenaria.
- A declaración de lesividade dos actos do Concello.
- A concertación das operacións de crédito cuxa contía acumulada, dentro de cada exercicio económico, exceder do 10 por cento dos recursos ordinarios do Orzamento -salvo as de tesourería, que lle corresponderán cando o importe acumulado das operacións vivas en cada momento supere o 15 por cento dos ingresos correntes liquidados no exercicio anterior- todo iso de conformidade co disposto na Lei Reguladora das Facendas Locais.
- A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.

Delegación que comprenderá todas as facultades, incluída a de adopción de acordos que afecten a terceiros.

Estas competencias serán, no seu caso aceptadas polo órgano a quen se encomenda, e se publicará no Boletín oficial da Provincia de acordo co artigo 51 do ROF e se insertará no Taboleiro de anuncios do concello.

**SEXTO.-** Proceder á publicación do presente acordo, para o seu xeral coñecemento no Boletín oficial da provincia da Coruña>>

O que se publica para xeral coñecemento e en cumprimento do contido da citado acordo.

Documento asinado dixitalmente por D. Bernardo Fernández Piñeiro, alcalde-presidente, en Pontedeume a 19 de xullo de 2023.

2023/6037